

附錄四卷目次

卷一 詞之分類

(甲)介詞……………取之於以與爲諸字示例。它略。

(乙)聯詞……………取夫今且蓋而則故雖縱然乃諸字示例。它略。

(丙)助詞……………取也矣已耳爾焉乎哉耶與夫諸諸字示例。它略。

(丁)歎詞……………概爲呼吁嗟咨之音。均略。

卷二 詞之釋要

今夫 且夫 是故 所以 於是 以爲 然而 然則 然後 然且
雖然 乃若 乃如 若乃 若夫 及其 至乃 假設 假令 誠使
向使 曩令 浸假 無乃 無甯 乃者 無何 已而 旣而 何則

卷三 詞之原始

亡曰 乃曾 孰息 者哉 今尔 矣只 乎於 于

耳也焉此且夫歟邪齏亦抑豈蓋

卷四 詞之通俗

把兒呢那都這的底阿呀了里哩咧罷
麼馬別

卷一 詞之分類

(甲) 介詞

連實字相關之義也。之。於。以。與。爲。五字最習用。

(乙) 聯詞

提承推轉實字與句讀也。提起聯詞。夫。今。且。蓋。四字最習用。承接聯詞。而。則。故。三字最習用。推展聯詞。雖。縱。二字最習用。轉捩聯詞。然。乃。二字最習用。

(丙) 助詞

結煞實字與句讀也。傳信助詞也。矣。已。耳。爾。焉。六字最習用。傳疑助詞。乎。哉。耶。與。夫。諸。六字最習用。

(丁) 歎詞

鳴心中之不平也。嘅。爲。呼。吁。嗟。咨。之音。


第一表

介詞

爲	與	以	於	之
表所助	表所因	表所同	表所及	表所對
表所用	表所自	表所在	表所比	表所系


第 二 表

聯 詞



第三表

助詞



介詞

之

（表所系）爾雅曰。父之考爲王父。父之妣爲王母。史記匈奴傳曰。如此之備也。孟子曰。民之歸仁也。論語曰。古者言之不出。恥躬之不逮也。以上諸之字。所間之言雖不一。要皆表所系屬也。然亦有指示之意。

於

（表所比）論語曰。季氏富於周公。於表相差之義。猶言過於也。
（表所在）孟子曰。舜生於諸馮。
（表所自）孟子曰。勞心者治人。勞力者治於人。於表行之所自發也。
（表所及）孟子曰。故天將降大任於是人也。

以

（表所對）孟子曰。吾於子思。則師之矣。

（表所用）孟子曰。殺人以梃與刃。有以異乎。

（表所因）孟子曰。乃孔子則欲以微罪行。不欲爲苟去。

（表所及）論語曰。中人以上。可以語上也。中人以下。不可以語上也。曰

以上。曰以下。所言不止中人也。以表推及之義。

（表所同）論語曰。子罕言利。與命。與仁。與表平列之義也。

（表所因）孟子曰。鄉爲身死而不受。今爲宮室之美爲之。

（表所助）孟子曰。湯使亳衆往爲之耕。

（附記）由。用。自。微。諸字。亦介詞也。總之動詞用如介詞。所在而有。

不可枚舉。

爲與

聯詞

夫

（表此義）孟子曰。夫國君好仁。天下無敵。夫字頂承上文。重推一義。而特爲揭明耳。

今

（表見義）孟子曰。今燕虐其民。王往而征之。今字非以別時。乃指見論之事耳。

且

（表又義）孟子曰。且以文王之德。百年而後崩。猶未洽於天下。且字緊頂上文。再進一層也。

蓋

（表概義）漢書高帝紀曰。蓋聞王者莫高於周文。霸者莫高於齊桓。蓋者率較之詞。謂梗概略陳如此。未能究竟也。

(附記)

夫今且蓋四字。惟以頂承上文。而弁於句讀耳。惟然而名。爲提起聯詞也。可不然與承接聯詞何異。

而

(表又義)大學曰。君子賢其賢而親其親。小人樂其樂而利其利。兩事並舉。而字連字。猶又字也。

(表乃義)論語曰。其爲人也孝弟。而好犯上者鮮矣。兩意相反。而字連之。猶乃字也。

(表然義)論語曰。人不知。而不愠。不亦君子乎。兩意相反。而字連之。猶然字也。

(表則義)大學曰。上老老而民興孝。上長長而民興弟。上下一意相因。而字連之。猶則字也。

（表因義）大學曰。堯舜帥天下以仁。而民從之。桀紂帥天下以暴。而民從之。上下一意相因。而字連之。猶因字也。

（表時義）論語曰。吾十有五。而志於學。猶云而始志於學也。又曰。孔子時其亡也。而往拜之。猶云而後往拜之也。凡上下有言時者。而字連之。以記其時之同異也。

則

（表卽義）大學曰。是故財聚則民散。散財則民聚。論語曰。弟子入則孝。出則弟。孟子曰。道則高矣美矣。宜若登天然。則字皆作卽字解也。

故

（表因義）孟子曰。故聞伯夷之風者。頑夫廉。懦夫有立志。故者。承上申下之詞也。

（附記）

或字爲分舉之詞。既字又字爲繼事之詞。至若如及諸字。爲更端之詞。方當比及會自甫諸字。爲敘時之詞。亦皆承接聯詞也。總之承接聯詞。率皆假借於動狀等詞。所在而有。不可枚舉。

雖

（表卽義）論語曰。子見齊衰者。雖狎必變。見冕者與瞽者。雖褻必以貌。雖者。意在推開上文。而跌落本意也。

縱

（表卽義）汲鄭傳曰。縱愛身。奈辱朝廷何。縱者。意在推開上文。而跌落本意也。

（附記）

若如設使令假誠苟果卽諸字。爲假設之詞。以猶尙與况矧等字。或以與豈甯孰等字。互爲呼應。爲較量之詞。抑將

然

甯等字。爲詢商之詞。亦皆推展聯詞也。總之推展聯詞。率皆假借於動狀等詞。所在而有。不可枚舉。

（表諾義）漢書高帝紀曰。問其次。上曰。王陵可。然陵少戇。然字用以起句。口雖諾而勢已轉也。

乃

（表然後義）史記大宛傳曰。終不得入平城。乃罷而引歸。乃者繼事之詞也。

（表於是義）主父偃傳曰。以爲諸侯莫足遊者。乃西入關。乃者言故之詞也。

（表至若義）孟子曰。乃所願。則學孔子也。乃者更端之詞也。

（附記）

顧第但獨特唯諸字。亦轉捩聯詞也。大率皆由狀詞假借。

助詞

也

（表必然）孟子曰。五霸者。三王之罪人也。今之諸侯。五霸之罪人也。今之大夫。今之諸侯之罪人也。凡句意之爲必然者。如決是非。斷可否。也字結之。

矣

（表已然）左傳曰。險阻艱難。備嘗之矣。民之情僞。盡知之矣。凡句意之爲已然者。如陳其事。必其效矣。字結之。

已

（表已然）左傳曰。雖有他樂。吾不敢請已。已與矣同義。決已然之口氣。而有已了之意也。

耳

（表止此）論語曰。前言戲之耳。耳者而已之急言。有止此之義也。

爾

（表止此）論語曰。便便言。唯謹爾。爾有而已之義也。爾古同尔。

（表必然）公羊傳曰。吾軍亦有七日之糧爾。盡此不勝。將去而歸爾。爾有決其如是之義也。

焉

（表陳述）中庸曰。夫婦之愚。可以與知焉。焉之口氣。案而不斷。惟陳述事理而已。

（表指示）中庸曰。日月星辰繫焉。萬物覆焉。此焉字有於是之義也。論語曰。吾未嘗無誨焉。此焉字有之字之義也。

（附記）

今些只且諸字。皆用爲有韻之文。

乎

（表設問）左傳曰。潘崇曰。能事諸乎。曰。不能。能行乎。曰。不能。能行大事乎。曰。能。凡有疑則設問。他字助設問類此。

〔表擬議〕論語曰。學而時習之。不亦說乎。有朋自遠方來。不亦樂乎。凡無疑而擬議者。蓋信者疑之。而後信者愈信也。他字助擬議類此。

〔表詠歎〕孟子曰。是故孔子曰。知我者其惟春秋乎。罪我者其惟春秋乎。凡言者有難告之隱。乃申其詠歎耳。他字助詠歎類此。

〔表設問〕孟子曰。此物奚宜至哉。又曰。君如彼何哉。哉字助設問者。有奚何詢問代字在先也。

哉

〔表擬議〕孟子曰。豈予所欲哉。

〔表詠歎〕司馬遷傳曰。如僕尙何言哉。尙何言哉。

〔表設問〕莊子曰。子何爲者邪。邪同耶。耶字助設問者。在何字也。

耶

與

（表擬議）賃殖傳曰。豈非以富邪。魏其傳曰。王孫甯可以讓邪。

（表詠歎）莊子曰。天之蒼蒼。其正色邪。其遠而無所至極邪。

（表設問）中庸曰。南方之強與。北方之強與。抑而強與。與古同歟。

（表擬議）論語曰。先事後得。非崇德與。攻其惡。無攻人之惡。非修慝與。

（表詠歎）禮記曰。微與。其嗟也可去。其謝也可食。與助詠歎。不若乎哉。

二字。

夫

（表擬議）左傳曰。立穆公。其子饗之。命以義夫。

（表詠歎）論語曰。逝者如斯夫。不舍晝夜。

（表設問）論語曰。子路問聞斯行諸。

（表擬議）論語曰。雖有粟。吾得而食諸。

諸

（附記）

凡句之有合助助詞者。大抵皆由詠歎而發。其所助詞氣。各以本意相加。茲不備論。

歎詞

歎詞始於單音。而極於三音。至矣。其發而爲歎美。爲傷痛。爲驚駭。爲覺悟。或音同而字異。或字同而情變。隨事見情。因聲擬字。不可拘也。其詳見詞典噫。嘻。吁。嘗。嗟。些。諸條。茲不載。

卷二 詞之釋要

今夫。且夫。卽此也。指事之詞。

王氏曰。孫炎爾雅注云。卽猶今也。故今亦可訓爲卽。夫猶此也。且與今同義。或言今夫。或言且夫。一也。皆指事之詞。馬氏曰。今夫者。今說到本題。夫指之。義亦同。

(一) 中庸曰。今夫水。一勺之多。

(二) 莊子曰。且夫水之積也不厚。則其負大舟也無力。

(附記) 王氏又曰。且猶夫也。墨子非攻篇云。今且天下之王公大人十君

子。今且。今夫也。案今夫。且夫。今且。各二字合用。則上字皆爲卽詞。下字皆爲指事之詞。或云。上字皆爲發語詞。下字皆爲指事之詞。於義亦安。

且夫。又此也。再進之詞。

且。猶又也。承上文而再進一層也。夫。則指其事耳。鼂錯言邊務書云。且夫起兵而不知其勢。戰則爲人禽。屯則卒積死。是也。

是故。所以。因此也。承上申下之詞。

段氏曰。故。俗云原故也。原故。猶因也。是故。卽此因也。王氏曰。所指事之詞也。猶此也。以因也。所以。卽此因也。此因。猶云因此。承上起下之詞也。

(一)大學曰。是故君子先慎乎德。

(二)孟子曰。所以不願人之膏粱之味也。

(附記一)劉氏曰。易云。是故夫象。聖人有以見天下之賾。而擬諸其形容。象其物宜。是故謂之象。下是故。是緣上事之詞。上是故。則發語之詞。鄭氏曲禮注。所謂衆篇雜辭者也。又于定國傳曰。日夜思惟所以未能盡明。思惟所以。猶云思惟此因也。孟子曰。其所以放其良心者。亦猶斧斤之於木也。所以放其良心。猶云其由放其良心。所指放之之心也。兩所以皆非承上申下之詞。

(附記二)是以此。因此也。承上申下之詞。禮記曰。是以君子恭敬撝節。退讓以明禮。大學曰。此以沒世不忘也。是也。

所以用此也。承上申下之詞。

以用也。所以卽此用也。此用猶云用此。說文曰。聿。所以書也。楚謂之聿。吳謂之不律。燕謂之弗。秦謂之筆。是也。

（附記）孟子曰。舍其田而耘人之田。所求於人者重。而所以自任者輕。所以自任。猶云其用自任也。不作用此解。然亦承上申下之詞。又燕策曰。臣恐侍御者之不察先王之所以畜幸臣之理。而又不白於臣之所以事先王之心。此兩所以作用其解。而非承上申下之詞。蓋兩所字。一指理。一指心。皆在其後也。

於是。因此事也。繼事之詞。

於。猶爲（讀去聲）也。是此也。指事之詞也。爲此事。即因此事也。亦可省云。因此。劉氏曰。左傳云。晉於是乎作州兵。漢書高帝紀云。於是陳平夜出女子東門二千餘人。於是者。皆繼事之詞。又左傳云。君子謂鄭莊公於是乎有禮。君子謂祁奚於是能舉善矣。此於是者。皆因前事而爲論定之詞。

於是。當此時也。承上之詞。

於。猶在也。是此也。指時之詞也。在此時。即當此時也。王氏曰。於是者。承上之詞。常語也。又左傳曰。於是陳蔡方睦於衛。此於是。亦承上之詞。而其義

不同。猶書當是時也。又於是陳亂。國人分散。故再赴。於是展氏有隱隱焉。
義竝同。

以爲。意謂也。揣度之詞。

爲。猶謂也。以意謂之。馬氏所謂揣度之詞也。司馬遷傳曰。僕以爲戴盆何
以望天。馮唐傳曰。臣愚以爲陛下法太明。賞太輕。罰太重。是也。

以爲。以彼爲此也。決斷之詞。

以彼爲此者。用彼作此。馬氏所謂決斷之詞也。說文曰。鳥。孝鳥也。取其助
氣。故以爲鳥呼。朋。古文鳳。神鳥也。鳳飛羣鳥從以萬數。故以爲朋黨字。是

也。

然而如是而乃也。轉振之詞。

然如是也。而猶乃也。如是而乃者。上文既諾其如是。下文乃轉有云也。馬氏所謂然字承上一頓。下文反轉。而欲作勢者。則加而字。是也。孟子曰。然而不勝者。是天時不如地利也。然而文王猶方百里起。是以難也。然而二字。皆可拆讀。

（附記）劉氏曰。淮南云。連山東之俠。死士盈朝。不能還厲王之西也。然而計議不得。雖諸賁不能安其位。亦明矣。此然而猶云。然則承上之詞。非轉語也。

然則。如是而卽也。承上之詞。

則。卽也。如是而卽者。上文旣諾其如是。下文乃卽推究也。馬氏所謂然字。承上一頓。下文由是而另推事理者。則加則字。是也。孟子曰。然則子之失。伍也亦多矣。然則舜僞喜者歟。然則二字。皆可拆讀。

（附記）論語曰。或曰。管仲儉乎。曰。管氏有三歸。官事不攝。焉得儉。然則管仲知禮乎。此然則更端之詞。非承上也。

然後。如是而後也。繼事之詞。

如是而後者。上文旣諾其如是。下文繼之有云也。馬氏所謂然字一頓以

承上文。由是而繼以他事者。則加後字。是也。孟子曰。權然後知輕重。度然後知長短。然後知生於憂患。而死於安樂也。然後二字。皆以明事之先後也。

然且如是而且也。頓宕之詞。

且。聊且也。尙且也。如是而且者。上文旣諾其如是。下文且有行爲也。馬氏所謂然字一頓以承上文。由是而或聊且爲之者。或尙且不可者。則加且字。是也。孟子曰。識其不可。然且至。則是干澤也。然且者。知其不可。而聊且至也。徒取諸彼以與此。然且仁者不爲。然且者。猶云如是而尙且不爲也。

雖然卽如是也。抑揚之詞。

然如是也。段氏曰。雖本當作雉。有縱恣之意。則雖亦縱也。劉氏曰。縱猶卽也。則雖亦猶卽也。又雖古亦通作唯。唯亦猶卽也。則雖亦可作卽解。卽如是者。前云卽如是。而猶有云云。所以推開上文。而展擴他意也。孟子曰。滕君則誠賢君也。雖然。未聞道也。是也。

（附記）段氏又曰。凡言雖者。皆充類之詞。雖然者。充其類如是也。充其類如是。猶云卽如是也。

乃若。乃如。又如也。更端之詞。

乃有抑又之意。若如也。又如者。上文既如此。下文又如彼。前言方畢。而又類及之。更端之詞也。王氏謂爲轉語詞者。亦近是。

(一)孟子曰。乃若所憂則有之。

(二)詩曰。乃如之人也。

(附記一)王氏又曰。乃若發語詞也。孟子曰。乃若其情。則可以爲善矣。是也。

(附記二)至如者。及如也。亦又如之意。更端之詞也。汲鄭傳曰。至如。猶見上。上不冠不見也。是也。

若乃若夫。如彼也。更端之詞。

若如也。乃與夫皆可作彼解。如彼者。上文旣如此。下文又如彼。前言方畢。而又類及之。更端之詞也。劉氏謂爲殊上詞者。亦頗明瞭。

(一)齊策曰。若乃得去不肖者。而爲賢者狗。豈特攫其腓而噬之耳哉。

(二)孟子曰。若夫爲不善。非才之罪也。

(附記一)王氏曰。若夫。轉語詞也。如上所謂更端之詞是。又云。若夫。發語詞也。孝經曰。若夫茲愛恭敬。安親揚名。則聞命矣。是也。

(附記二)如其。如彼也。更端之詞。論語曰。如其禮樂。以俟君子。是也。

(附記三)如。猶及也。若。猶及也。若乃。若夫。如其。皆作及彼解。於義亦安。

及其至乃及彼也。更端之詞。

至與及同義。其與乃皆可作彼解。及彼者。由此而及彼。前言方畢。而又類及之。更端之詞也。

(一)中庸曰。及其無窮也。日月星辰繫焉。萬物覆焉。

(二)朱穆傳曰。至乃田竇衛霍之游客。廉頗翟公之門賓。進由執合。退由衰異。

(附記)至於及於彼也。更端之詞。孟子曰。至於心獨無所同然乎。是也。

假設。假令。或然也。假設之詞。

假設者。假如設爲是。假令者。假如令爲是。故曰。或然也。馬氏所謂事之未然而假設之詞。是也。

(一)賈誼傳曰。假設陛下居齊桓之處。將不合諸侯而匡天下乎。

(二)司馬遷傳曰。假令僕伏法受誅。若九牛亡一毛。與螻蟻何異。

(附記)譬使有如。或然也。譬使者。譬如使爲是。有如者。或有如是。故曰或然也。亦事之未然而假設之詞也。孔子世家曰。譬使仁者而必信。安有伯夷叔齊。魏其傳曰。有如兩宮螫將軍。則妻子毋類矣。是也。

誠使。信然也。假設之詞。

誠使者。實使爲是。故曰信然也。亦事之未然而假設之詞也。游俠傳曰。誠使鄉曲之俠。予季次原憲。比權量力。效功於當世。不同日而論矣。是也。

向使曩令前或然也。假設之詞。

向使曩令者。前使爲是。故曰。前或然也。亦事之未然。而假設之詞也。

(一) 張衡傳曰。向使能瞻前顧後。援鏡自鑒。則何陷於凶患乎。

(二) 賈誼陳政事疏曰。曩令樊鄴絳灌。據數十城而王。今雖以殘亡可也。
浸假。後或然也。假設之詞。

浸。漸也。猶漸次也。浸假者。後假有是。故曰。後或然也。亦事之未然。而假設之詞也。莊子曰。浸假而化予之左臂以爲雞。予因以求時夜。是也。

(附記) 案浸假與向使曩令。文義相類。劉氏曰。浸假而化者。言假如漸化。

倒文也。恐失之。

無乃。無甯得無也。擬議之詞。

王氏曰。無乃。猶得無也。甯乃一聲之轉。無甯。猶無乃也。

(一) 左傳曰。無乃不可乎。

(二) 左傳曰。無甯以爲宗羞。

(附記) 王氏曰。此無甯與他處言無甯者不同。他處無甯之無。多爲發聲助也。

乃者。往時也。未久之詞。

者。指時之詞。乃者。卽往者。猶云適纔也。此由後溯前。未久之詞也。曹相國世家曰。乃者。我使諫君也。是也。

無何。無幾何時也。未久之詞。

無何者。概皆由前歷後。未久之詞也。齊悼惠王世家曰。居無何。漢將欒布平陽侯等兵至齊。是也。

（附記）無何尙有它解。袁盎傳曰。君能日飲無何。可免禍也。此無何言更無餘事也。金日磾傳曰。何羅亡何從外入。此亡何。猶言無故也。皆非未多時之義。

已而既而既然而後也。踰時之詞。

已猶既也。已既皆過事語詞也。故曰既然而轉後語詞也。故曰而後。既然而後者。踰時之詞也。

(一) 史記夏紀曰。召湯而囚之夏臺。已而釋之。

(二) 論語曰。既而曰。鄙哉硜硜乎。

(附記) 已乃已又猶已而也。已乃者已然乃後也。已又者已然後又也。亦皆踰時之詞。史記周紀曰。武王已乃復出軍。項羽紀曰。廢以爲侯。已又殺之。是也。

何則何故也。詰詞。

則卽也。何則者何者卽此故。故曰何故也。司馬遷傳曰。蓋鍾子期死。伯牙終身不復鼓琴。何則。士爲知己死。女爲悅己容。是也。

（附記）馬氏曰。何則二字。亦猶然而二字。當拆讀。則字方有著落。何字。猶云上言如是。是何也。則字以下。申言其故。

卷三 詞之原始

說文。𠂔。反𠂔也。讀若呵。今以阿（大陵曰阿）爲之。

此發語詞也。凡伊緊義儀宜夷惟唯維侯之爲發語詞者。皆由阿之雙聲疊韻相假借也。

說文曰。詞也。或以云（古文雲字）爲之。

假云爲曰。云曰雙聲也。其以粵于爰爲曰者。亦雙聲疊韻相假借也。

說文。乃。曳詞之難也。或以而（頰毛也）爲之。

乃而一音之轉也。公羊傳曰。乃難乎而。何注。言乃者內而深。言而者外而淺。王氏曰。乃與而對言之則異。散言之則通。又乃而然若。亦皆一音之轉也。故相通用。

說文。曾。詞之舒也。孳乳爲瞢。曾也。

曾訓詞之舒。與乃訓曳詞之難相似。故曾與乃同義。卽瞢亦與乃同義也。說文。𢇛。況詞也。今俗作矧。

況詞者增益之詞。今俗所云已如是。況又如是也。尙書多用駢字。

說文。泉。衆與詞也。今以暨（日頗見也）洎（灌釜也）爲之。

泉暨洎音同。及亦音近。公羊傳曰。及者何。與也。會暨及皆與也。

說文者。別事詞也。謂其有所指。

增韵云。者爲卽物之詞。與別事之詞同意。皆謂有所指也。凡俗語云者箇者般者回。皆取別事之意。

說文哉。言之間也。謂其可隔歇。

凡兩者之際曰間。一者之竟亦曰間。一之竟卽兩之際也。言之間歇多用哉字。今則概爲疑詞歎詞之用。

說文兮。語所稽也。或以猗（惜犬也）爲之。

猗之爲兮。以雙聲疊韻相假借也。語所稽者。語於此少駐也。此與哉言之間也相似。

說文余。詞之必然也。多以爾（猶靡麗也）爲之。

余爾同音相假借也。詞之必然。本含有如此而已二義。又余亦如此之合音也。

說文矣。語已詞也。或以已（已也即止義）爲之。

矣已同音相假借也。

說文只。語已詞也。或以軹（車輪小穿也）爲之。

只軹同音相假借也。亦或以咫爲只。又之矣爲只。由疊韻與矣可相通也。
說文乎。語之餘也。或以庠（哮庠也）爲之。

意不盡。故言乎以永之。班史多假庠爲乎。又之乎爲諸。故諸亦用爲語之餘也。

說文。於。古文烏省。烏。孝鳥也。孔子曰。烏于呼也。取其助氣。故以爲烏呼。

古文尙書悉爲烏呼字。今文尙書悉爲於戲字。而詩皆云於乎。

說文。于。於也。象氣之舒于。孳乳爲粵。于也。案慎之詞也。

由舒于之意引伸之。于有自此之彼之義。而詩書用于字。論語用於字。蓋于於二字。在周時爲古今字。又爰多假爲于。越曰多假爲粵。于爰粵越曰皆雙聲。故亦可通假也。又之於爲諸。故諸用爲句中助詞。

說文耳主聽也。耳爲而已之合音。故以爲語詞。

耳爾亦音義相近。但耳只作而已解。又耳而旣同音。故而亦爲句絕之詞也。

說文也女會也。今以爲語詞。

假借之義行而本義廢矣。今也古通。

說文焉焉鳥也。今以爲語詞。

假借之義行而本義廢矣。又之焉爲旃。故旃亦爲語詞。

說文。此止也。謂物止之處爲此也。之（出也）茲（艸木多益也）斯（析也）所（伐木聲也）是（直也）其（簸也）諸字。皆假爲此義。

此與之茲斯所是其。以雙聲疊韻相假借也。

說文。且薦也。引伸爲又加之詞。

且者所以承藉進物也。有藉而加之。故爲又加之詞。其云嫖且苟且聊且者。謂僅有藉而無所加。粗略之詞也。

說文。夫。丈夫也。引伸爲指示之詞。

夫爲丈夫。甫爲男子之美稱。夫甫同音。蓋泛稱人之詞也。故夫訓此訓彼。說文。歟。安氣也。今以爲語詞。

乎歟疊韻。故歟亦用爲語之餘。歟又通作與。

說文。邪。琅邪郡也。或以爲語詞。

邪也歟皆雙聲。故邪亦爲語詞。古書邪也不分。今人文字邪爲疑詞。也爲決詞。又隸書從耳作耶。由牙耳相似也。

說文。友。同志爲友。从二又相交。𠂔。古文友。此有繼之詞也。

今以又（手也）爲之。

章氏曰。其以又爲有繼之詞者。古文友。三體石經作𠂔。从友从凶。諸詞言之字皆从凶。然則古文別有𠂔字爲有繼之詞。段借爲友耳。

說文。亦。人之臂亦也。引申爲重累之詞。

臂與身有重疊之意。故引申爲重累之詞。亦又雙聲。故義亦相近。

說文。抑。按也。引申爲轉語之詞。

由按下之意。引申爲轉語詞也。抑亦又皆雙聲。故義皆相近。

說文。豈。還師振旅樂也。一曰。欲也。登也。今以爲語詞。

段氏曰。欲也。登也。多也字。欲登者。欲引而上也。凡言豈者。皆庶幾之詞。言幾至於此也。故曰欲登。漢書丙吉傳。豈宜褒顯。猶言蓋庶幾宜褒顯也。又文王世子注。孔廟禮器碑有駟字。意皆與豈相近。駟卽豈之變也。豈本重難之詞。故引伸以爲疑詞。

說文。蓋。苫也。引申爲大概之詞。

蓋有掩覆之義。引申爲包舉概括。故爲大概之詞。

卷四 詞之通俗

今語把。卽爲字。此爲代助之詞。

說文皮從爲聲。是古音爲得如皮。爲有攝代扶助之義。晉語子輿之爲我謀忠矣。內傳飲我酒。吾爲子立之。今江南多言把。把卽爲字。爲讀如皮。故轉如把。通語言替。此異文殊語也。

今語兒。卽然字。此爲狀事之詞。

然爲狀事之詞。荀子。儼然壯然。禕然。蕤然。恢恢然。廣廣然。昭昭然。蕩蕩然。

今轉爲兒。一曰然俱聲轉。墨經俱所然也。兒亦俱字。

今語呢。或作那。卽然字。此爲商問之詞。

然音難。其在語末者。或爲商度。或爲問訊。今字作呢。呢本爾字。然爾雙聲也。孟子夫子若有不豫色然。宜與夫禮若不相似然。此皆是商問語。今語然竝作呢。亦或作那。左傳棄甲則那。那卽奈何合音。亦問訊語也。今語義與奈何略異。故爲然字。

今語呢。或作那。卽爾字。此爲刻定之詞。

爾雅。尼。定也。尼。尔同聲。故說文云。尔。詞之必然也。經典相承作爾。今字作

呢。公羊傳。吾軍亦有七日之糧爾。盡此不勝。將去而歸爾。此皆豫爲刻定之語。所謂詞之必然也。今語爾竝作呢。亦或作那。後漢書逸民列傳。女子怒曰。公是韓伯休那。乃不二價乎。今語那字。其義正同。

今語那。卽若字。此爲指示之詞。

論語。君子哉若人。公羊傳。有明天子。則襄公得爲若行乎。若皆訓此。今人指物示人曰若。音如諾。則有彼之義也。又指示者。或曰那箇。那與若一音之轉也。又若者不定之詞也。左傳。夫婦所生若而人。妾婦之子若而人。今語亦作那。不知其人則問曰那箇是也。若字在語末。有無義者。易有孚發若。不節若。則嗟若。王弼曰。若。詞也。今語亦作那。此無義趣。但爲語助而已。

今語都。卽諸字。此爲總括之詞。

聲類諸詞之總也。古諸字音同都。周禮夏官望諸注。望諸明都也。爾雅作孟諸。皆一語也。今人言總皆曰都。如云都好。都去。都來是也。本卽諸字。

今語這。卽者字。此爲指示之詞。

漢書藝文志曰。儒家者流。道家者流。者訓爲此。今人謂此爲者。如者回者。里者番者。簡是也。禪人語錄多作遮。俗多改用這。

今語的。或作底。卽之者字。此爲指示之詞。

爾雅之子者是子也。小雅欲報之德箋云之猶是也。者亦訓此。今言之字者字。俗或作的作底。雙聲相轉也。在語中者的卽之字。亦有所指。在語末者的卽者字。亦有所指。如云冷的熱的是也。

今語的。或作底。卽只字。此爲必然之詞。

說文只語已詞也。詩母也。天只不諒人只。今人言的言底。若爲詞之必然。如云我一定要去的。的卽只字。作底者亦與只近。

今語的。或作底。卽也字。此爲必然之詞。

說文也氏皆从丌聲。也孳乳爲地。氏孳乳爲氏。其音轉皆同。故也今轉作

底作的。論語。生而知之者。上也。學而知之者。次也。困而學之。又其次也。莊子。天下將安其性命之情。之八者。存可也。亡可也。諸也。字皆卽的字。若爲詞之必然也。此皆助句者也。

今語阿。或言呀。卽也字。此爲語駐之詞。

說文。兮。語所稽也。謂語於此少留止也。兮也。古通。故也。亦爲語所稽也。古又也。邪不分。邪音同呀。故也。亦轉言呀言阿。孟子。且天之生物也。及其更也。丈夫之冠也。女子之嫁也。丑見王之敬子也。論語。賜也。回也。耕也。學也。諸也。字皆卽呀字。語於此少駐也。此皆助讀助字者也。

今語阿。或言呀。卽乎歟邪字。此爲疑問之詞。

說文。乎。語之餘也。淮南精神訓注。與邪詞也。呂氏春秋自知篇注。歟邪也。乎歟邪古韵皆在魚模。今語皆轉入麻部。凡疑問語或言阿。或言呀。乎亦爲呼。召乞請命敕詠歎諸詞。今語皆作阿。

今語了。或作里。作哩。作咧。卽矣已字。此爲已然之詞。

說文矣。語已詞也。从矢。𠂔聲。今人語已則言矣。音如里。𠂔里聲。本相通。說文相。或作裡。則𠂔聲里聲一也。檀弓。生事畢而鬼事始已。盧植注。已者。詞也。已爲語終之詞。古音已矣同聲。已亦如里。考工記里爲式注。里讀爲已。

聲之誤。是其證也。今語終則言了。里了一音之轉。里俗以哩爲之。或又作咧。咧由了里可竝轉也。

今語哩。卽來字。此爲疑問之詞。

矣亦乎也。易又何咎矣。禮記。女何夢矣。公羊傳。盍終爲君矣。亦以來爲之。爾雅。不俟。不來也。說文引詩。不俟不來。蓋古文來亦作賴。爾雅借俟爲之。此可證來聲矣。聲相通也。孟子。盍歸乎來。莊子。嘗以語我來。又曰。子其有以語我來。來竝卽矣字。訓乎者也。今語作哩。里來古音一也。

今語罷。卽夫字。此爲商問之詞。

易言或鼓或罷。論語言欲罷不能。義爲休止。今人言休止曰罷。此本字也。又爲商問語。如曰好罷走罷是也。歌戈與魚模相轉。故罷可轉爲夫。禮記爾責於人。終無已夫。三年之喪。亦已久矣夫。孟子必子之言夫。夫皆商度語也。商度語言罷。乃借爲夫字也。

今語罷。卽否字。此爲疑問之詞。

說文否。不也。亦爲疑問語。詩嘗其旨否。未知臧否。否皆疑問語也。今人疑問語言罷。卽由否轉也。如曰有罷是的罷是也。

今語麼。或言馬。卽無字。此爲疑問之詞。

無古音本如模。今閩廣言毛近之。通語言末。末卽無之音轉。如論語。末由也已。墨子。吾末予子酒矣。則今語所本也。其在語末。則義近否。古祇單辭。士喪禮。筮宅辭曰。無有後艱。卜葬日辭曰。無有近悔。倒之卽是有後艱。無有近悔。唐人詩多用無於語末。今語亦然。由模音轉如麼如馬。

今語別。卽弗字。此爲禁止之詞。

公羊傳。弗者不之深也。今順天遮禁人則言弗。通以別字爲之。

加新式標點符號分段的

紅樓夢

(百千近全)
(頁二一書)

(價定)

平裝六冊
三元三角
洋裝三冊
四元二角

研究方法的『紅樓夢』
！
穿鑿附會的『紅樓夢』
打破從前種種

紅樓夢新叙……陳獨秀
商榷……胡適
答蔡子民先生之……胡適
跋紅樓夢……蔡子民
權……
紅樓夢對於胡適之先生……胡適
紅樓夢考證……

上海，亞東圖書館發行

加新式標點符號分段的

胡適之先生序

錢玄同先生序

『五百年來無數的失學國民從這部書裏得着了無數的常識與智慧；……學會了看書寫信作文的技能；……學得了做人與應世的本領。』(胡序)

洋裝二冊 定價兩元八角
平裝四冊 定價兩元二角

上海，亞東圖書館發行

三國演義

加新式標點符號分段的



鏡花緣

有胡適之先生長一萬餘字的引論。引論裏有一段論這部書的價值說：

……他對於女子貞操，
女子教育，女子選舉等
等問題的見解，將來一
定要在中國女權運動史
上佔一個很光榮的位置

洋裝兩冊，二元二角

平裝四冊，一元六角


上海亞東圖書館印行

中華民國十二年七月出版

虛助詞典 (全)

每冊定價洋二角五分

外埠酌加郵費



編輯者 施 括 乾

發行者 亞 東 圖 書 館
上海五馬路棋盤街西首

印刷者 亞 東 圖 書 館
上海五馬路棋盤街西首

分售處 各省各大書店

